



TGAU

3010NA0-1



DYDD GWENER, 13 IONAWR 2023 – BORE

LLENYDDIAETH GYMRAEG

UNED 1: Barddoniaeth

HAEN UWCH

1 awr 15 munud

DEUNYDDIAU YCHWANEGOL

Llyfryn ateb 16 tudalen CBAC (pinc).

CYFARWYDDIADAU I YMGEISWYR

Defnyddiwch inc neu feiro du.

Un cwestiwn gorfodol ar farddoniaeth sydd ar y papur hwn.

Ni chaniateir defnyddio geiriaduron.

Dylech dreulio 15 munud yn cynllunio eich ateb.

GWYBODAETH I YMGEISWYR

Mae 40 marc am y cwestiwn hwn.

Bydd trefn a chywirdeb eich ysgrifennu yn cael eu hystyried yn rhan o'r asesiad.

UNED 1: BARDDONIAETH

HAEN UWCH

1. Darllenwch y **ddwy** gerdd ganlynol yn ofalus.

Yn y cerddi **mae'r ddau fardd yn ymateb i ryfeloedd y gorffennol**.

Cymharwch y **ddwy** gerdd gan ddangos sut maen nhw'n **debyg** a/neu'n **wahanol**. Wrth drafod y cerddi dylech gyfeirio at y canlynol:

- cynnwys a neges/themâu y cerddi
- sut mae'r beirdd yn cyfleu eu syniadau neu'n creu awyrgylch yn y cerddi (nodweddion arddull, mesurau ac ati)
- eich ymateb personol i'r cerddi

Wrth ateb, cofiwch **ddyfynnu'n briodol a chyfeirio at enghreifftiau penodol** i gefnogi'ch sylwadau. [40]

Y Coed

Chwe miliwn o goed yng Nghaersalem, fe'u plannwyd hwy
Yn goeden am bob corff a losgwyd yn y ffyrnau nwy.

Coed sydd yn estyn eu gwreiddiau i ganol lludw pob ffwrn,
Y lludw sydd wedi mynd ar goll, heb fynwent na bedd nac wrn.

Chwithig oedd gweled y cangau fel cofgolofnau byw,
Ac nid marmor na gwenithfaen, na hyd yn oed yr angladdol yw.

Ni chlywem ni na chlychau'r eglwys na mŵesin y mosg,
Ond clywed rhwng eu cangau hwy y marwnadau llosg.

Nid yw'r dwylo a'u plannodd yn ddiuog, na'u cydwybod yn lân,
Canys diddymodd yr Israeliaid bentrefi'r Arabiaid â'u tân.

Pam na ddylai'r Arabiaid, hwythau, godi yn Cairo ac Amân
Fforestydd o goed i gofio?

Ond ni allwn ni gondemnio'r Natsïaid na'r Iddewon ychwaith
Canys fe droesom o'r awyr Dresden yn un uffern faith;

A gollwng y ddau fom niwclear ar y ddwy dre yn Japan.

O'r holl ganrifoedd a gerddodd ar y ddaear er cychwyn y byd,
Yr ugeinfed yw'r fwyaf barbaraidd ohonynt hwy i gyd.

A bydd y nesaf yn waeth am fod y bomiau a'r rhocedi yn fwy,
A dyfeisir mewn labordai dirgel sawl math o nwy.

A phan ddaw'r trydydd Rhyfel i gadw ei ddychrynlyd oed,
Ni ellir rhifo'r lladdedigion llosg, na rhifo ychwaith y coed.

Chwe miliwn o goed yng Nghaersalem, chwe miliwn, a thair croes,
Ac ar y ganol Yr Unig Un a fu'n byw'r Efengyl yn ei oes.

Daw'r tymhorau i newid eu lliwiau, gwyrdd, melyn a gwyn.
Ond coedwig y marwolaethau'n aros a fyddant hwy, er hyn.

Pan fyddant ymhen blynnyddoedd wedi tyfu i'w llawn maint,
Fe wêl y genhedlaeth honno nad oeddem ni yn llawer o saint.

Gwenallt

Niwl

Yr ardal honno,
 Gogledd-ddwyrain Ffrainc,
 Y ddau dro,
 Y ddau dro y bum i drwyddi
 DANGER oedd hi
 *BROUILLARD:
 Niwl.

Troes tegwch y bore
 Y ddau dro,
 Troes tywyniadau melyn yr haul
 Y ddau dro
 Yn niwl y prynhawn.

Niwl llwyd,
 Niwl oedd yn mygu golau melyn y car
 Fel yr oedd o'n mygu'r heulwen:
 Lampau'n diffodd.

Ac o'r niwl hwnnw deuai weithiau
 Enwau ac arnynt *archollion
 Hen ryfel:
 *Compiègne, Sommes,
 Mons, Arras, Amiens.
 A deuai atom hen farwolaethau
 O arwyddion ochrau ffyrdd:
 'Yma y mae beddau...'
 A nodid rhifau ac enwau *catrodau.
 Beddau yn y niwl.

Niwl hen y daith,
 Niwl hen,
 Hen, hen niwl y ddynoliaeth.

Gwyn Thomas

Geirfa

BROUILLARD – y gair Ffrangeg am niwl
 archollion – briwiau/anafiadau
 Compiègne, Sommes, Mons, Arras, Amiens – brwydrau'r Rhyfel Byd Cyntaf
 catrodau – unedau o filwyr yn y rhyfel

DIWEDD Y PAPUR



TGAU

3010NA0-1A



W23-3010NA0-1A

DYDD GWENER, 13 IONAWR 2023 – BORE

LLENYDDIAETH GYMRAEG

UNED 1: Barddoniaeth

HAEN UWCH

1 awr 15 munud

**Er gwybodaeth i'r Swyddog Arholiadau.
Clawr blaen y papur arholiad yn unig yw'r daflen hon.
This is the front cover of the examination paper only.
*English instructions overleaf.***

DEUNYDDIAU YCHWANEGOL

Yn ogystal â'r papur arholiad 3010NA0-1 bydd angen llyfryn ateb 16 tudalen CBAC (pinc).

CYFARWYDDIADAU I YMGEISWYR

Defnyddiwch inc neu feiro du.

Un cwestiwn gorfodol ar farddoniaeth sydd ar y papur hwn.

Ni chaniateir defnyddio geiriaduron.

Dylech dreulio 15 munud yn cynllunio eich ateb.

GWYBODAETH I YMGEISWYR

Mae 40 marc am y cwestiwn hwn.

Bydd trefn a chywirdeb eich ysgrifennu yn cael eu hystyried yn rhan o'r asesiad.



GCSE

3010NA0-1A



FRIDAY, 13 JANUARY 2023 – MORNING

WELSH LITERATURE

UNIT 1: Poetry

HIGHER TIER

1 hour 15 minutes

***For the attention of the Examinations Officer.
This is the front cover of the examination paper only.***

ADDITIONAL MATERIALS

As well as examination paper 3010NA0-1 you will need a WJEC pink 16-page answer booklet.

INSTRUCTIONS TO CANDIDATES

Use black ink or black ball-point pen.

*There is **one compulsory question** on poetry in this paper.*

Dictionaries are not permitted.

You should spend 15 minutes planning your answer.

INFORMATION FOR CANDIDATES

40 marks are awarded for this question.

The structure and accuracy of your writing will be considered as part of the assessment.